



## **Dat kannst' mi glöven - Plattdeutsche Andachten**

---

Montag bis Freitag, 14.15 Uhr (NDR 1 Niedersachsen)

**05. Juni bis 09. Juni 2023**

**Von Rainer Müller- Jödicke, Pastor aus Engelbostel**

Von himmlischen Begegnungen erzählt Pastor Rainer Müller-Jödicke aus Engelbostel: Gottes Stimme, die der Konfirmandin Rat gibt; die Engelfeder, die den Trauenden tröstet; die Marienfigur, die die Autofahrerin schützt ... Und - es gibt auch Engel, die laut schimpfen!

Redaktion:  
Anita Christians-Albrecht  
Pastorin und Beauftragte für Altenseelsorge in der hannoverschen Landeskirche

Veröffentlichung:  
Evangelische Kirche im NDR  
Redaktion Hannover  
Knochenhauerstr. 38-40  
30159 Hannover  
Tel. (0511) 32 76 21  
[www.ndr.de/kirche](http://www.ndr.de/kirche)

Dieses Manuskript ist urheberrechtlich geschützt und darf nur für private Zwecke des Empfängers benutzt werden. Jede andere Verwendung (z.B. Mitteilung, Vortrag oder Aufführung in der Öffentlichkeit, Vervielfältigung, Bearbeitung, Übersetzung) ist nur mit Zustimmung der Ev. Kirche im NDR zulässig. Die Verwendung für Rundfunkzwecke bedarf der Genehmigung des NDR.

## **Maandag, 05.06.2023 – Gott sien Stimm höörn**

Dat hebben mien Konfirmanden mi al faak vertelt, dat dat vörkummt un se s'abends vör't Inschlappen hen un her mal beden. Wenn een Mathearbeit ansteiht – of wenn dat een Fründ oder Fründin nich good geiht, beden se noch eben. Denn können se meestens beter slapen“, seggen se.Bi Mia is dat noch wat anners. Se unnerhollt sük richtig mit Gott protén, so is mien Indruck. „Ik do denn ‘sabends noch mal allens mit Gott dörproten un hüm fragen, wat ik hier un wat ik dor am besten doon soll“, vertelt se mi. „Un denn seggt Gott mi, wo ik dat am besten maken soll!“ „Ik kann dat hast nich glöven. Bildt se sük dat vielleicht in un denkt sük wat ut? „Büst du denn seker, dat dat würelk Gott is, de du denn hören deist?“, fraag ik hör. „Ja, dat glööv ik fast“, meent se. „Eerstmal het nüms in mien Familie of van mien Frünn so een Stimm as he. Un denn het he ok so ‘n besünnerg Ort un Wies, wo he sük utdrücken deit. Man dat wichtigste is doch dat: Wenn ik dat denn so maken do, as wi dat mit’nanner of proot‘ hebben, denn kann ik jedes Mal ‘n poor Daag later marken, dat ik dat allens genau richtig maakt hebb. Un dat Gott mi mit sien Raat heel goot hulpen het. Dorum proot ik geern wiederhen allens mit hüm dör.“

## **Dingsdag, 06.06.2023 – De Feer van de Engel**

Sien beste Fründ was stürven. De beiden harrn sük al in d' School kennenlernt. Se wassen faak mit'nanner up Tour west un harrn dorbi ok hör Frauen kennenlernt. Un later weern se sgor Nahbers worrn, harrn sük Jörteihnten lang tegensietig hulpen. „Man nu is mien Fründ in d' Himmel“, vertelt he mi. Lang is ik heel trüürig west, dat he nu alleen kloorkomen muss, man nu geiht hüm dat endlich weer beter. „Ik glööv, mien Fründ het dorvör sörgt, dat Gott mi ‘n Engel stüürt het, de up mi uppassen deit“, seggt he mi. Dat queem so: An een Dag muss he nah d' Doktor hen. He was al siet Dagen upgereegt. Un das Leepste weer: He kunn sük ja nich mehr as fröher mit sien beste Fründ an d' Heeg stellen un dat allens eben dörproten. „Man as ik vör't Hus gahn wull un de Döör open mook“, vertelt he denn wieder, „do lag dor wat vör d'Drüppel: Een groten witten Feer! Ik kenn'n heel Bült Vögels, man disse witte Feer was heel seker nich van een Deer. Un de was ok nich van d' Nahbers röverflogen, as se hör Synthetik-Küssens utschüllert hebben.“ Bi d' Doktor harr he denn ‘n heel goden Geföhl. Hüm gung dat immer beter. Ok sien Fründ dä hüm nich mehr so fehlen. Un sietdem is he sük seker: „Siet mien beste Fründ dat nich mehr sülmst doon kann, hebb ik nu ‘n Engel an d' Siet, de mi helpen un up mi uppassen un de mit mi dör't Leven gahn deit. De Engelfeer vör mien Huusdöör het mi dat vör Ogen holln.“

## **Mittweek, 07.06.2023- De Auto-Engel**

Of un to mutten Engels ok mal schimpen un schkellen. Dat het Dörchen al vör fieftig Johren murken. Un domols het hör dat düchtig hulpen. Se was al Moder van veer Kinner, as se endlich her Führerschien maken dä. Se kreeg de fell Kloor un kann hör Kinner nu rumkutscheeren. Man an de een Dag, as se mit all veer Kinne in't Auto satt, het se an een groot Krüüzung nich anhollen un is so tomol heel över d' Straat nah links ofbogen. „Un denn hebb ik mien Engel kennendeernt“, vertelt Dörchen mi „He sach ut as een jungen Keerl, de goot Auto fohrn kann. He kweem an d' Krüüzung van links un was hast in mien Auto rinfohren. Man goot, dat he noch eben ofbremst het. Stuuv tegen mien Auto is he to stahn komen. Nix is passeert. He het düchtig up mi uppasst. Dorum is he 'n Engel! Man denn is disse Engel ut sien Auto ruutklautert un het düchtig mit mi schkullen. Se mutten beter uppassen un de Vörfahrt van anner Lüüd achten. Se mutten de Schiller lesen, de an d' Straat stahnt! Hör Mann het se dor sien Leven lang nix van vertellt. Man se het sük in Huus hensett‘ un all Schillers nochmal in hör Book ankeken. Nu, is se bold neegting Johr olt, fohrt immer noch Auto un het nooit 'n Unfall hat. Man goot, dat dat Engels gifft, de ok schellen un schimpen können!

## **Dünnerdag, 08.06.2023- Dor fohrt immer well mit**

Dat is nu al hör veerde Auto, de se in hör Leven fohren is. Heel to Anfang harr se'n lüttjen olln Koor. As hör Kinner denn geboren wassen, bruuk se'ngrooterde Auto. Un weer 'N poor Johr later harrn se un hör Mann sük denn wat köfft, wor se ok hor Wohnwogen mit över de Straten trecken kunnen. Nu in't Oller hebben se sük weer wat Neeies köfft: Her Auto is nu'n biet-jewat hoger, dor können se lichter instiegen. Man in all de Autos het se van Anfang an immer een besünner Deel rinleggt, giek tegen de Schaltung. Dat het hör katholisch Tant hör domols schunkent, as se hör Führerschien maakt harr: Een lüttjen Marienfigur-Maria in een blau Kleed. Nah all de Johnn is de Farvd or nu bold of. Un dat liggt doran, dat hör Tant hör domols wat bibrocht het: Immer, wenn se Motor van hör Auto anschmieten dä, faat se eben kört de lüttje Marienfigur an un stüür een lüttje Gedank nah boven! Un dat het se sük denn tatsäichlichok so anwennt. Een lüttje Gedank nah boven, dat de Himmel bi hör Autofahrt up hörn uppassen soll. Un wenn se denn heel ankommen ist, denn kikkt se noch n'tweede Mal nah de Marienfigur he nun weet: Dor fohrt immer well mit. In hör veerde Auto ok.

## **Freedag, 09.06.2023 – Ut Tegen'nanner word Mit'nanner**

Fröher hebben se tegen'nanner spöölt, nu spölen se mit'nanner. Un dat kweem so: Emily is sessteihn Johr olt un spöölt heel goot Waterball. Se höört to de jung ukrainische Nationalspölers. Dorum is se ok letzt Johr in d' Februar bi de Europameisterschaften dorbi west. Un se het futt sehn, dat ok de jung Wichter ut Düütschland heel goot Waterball spölen können. Besünners good wassen de düütsche Wichter, de eegentlich in Bochum spölen dän. Dat wassen stuur Gegners. Nee, tegen de kunnen Emily un her Fründinnen woll nooit winnen. Man se kregen doch mit'nanner hör Proot togang un kwemen in Kontakt. As Emily weer in Huus in Kiew was, gung denn de Krieg los. So tomal muss se allens stahn un liggen laten un mit hör Familie nah d' Bahnhof hen. Se sünd denn in een Zug sprungen un in't Westen fohren. Hör Zug dä denn in Bochum anholen. Un as se utstiegen dän, stunnen dor een Mann un 'n Bült jung Wichter mit blau un witte Kleer an. Dat wassen de Waterball-Spölers van Blau-Witt Bochum. Se wulln hör ofholen, hebben se seggt. Un se wulln hör helpen. Emily het dat denn in de eerste Maanten düchtig stuur hat in dat neei Land, wor se de Spraak nich kunn. Man de Sportlers hebben hör immer weer inladen un vraagt, wo se hör helpen könen un hebben dat ok daan. Un nu spöölt se sülmst bi hör mit. Se spölen nich mehr tegen'nanner; se spölen mit'nanner.